

Isolo Bebera·achi Janggi Tangani

(Living by Faith in God) – Aba.16

Rev.P.M.Sangma – Pastor Nogorpara Baptist Church

Aganchengani: Isolo bebera·anio Janggi Tangana agre mandeo maming gipin jringjrotna pangchakani dong·ja. Oe mande an·tangni u·ianio aro gamrango ka·donga indiba a·gilsakonasan ong·aia, indiba Isolo bebera·anio janggi tango uan jringjrotna tangkamgipa ong·a.

Bebera·anio Janggi Tangani:

Bebera·anio Isolni rasongna janggi tanganio aiao inmanani baksa mande jringjrotna janggi tangna ama aro Isol an·chingni bebera·ani kri an·chingni janggi tanganio chu·sokata. Salsao Jisuko mikgri sakgni ja·rike ‘chingna ka·sachakbo Daudni Depante’ unon Jisu uamango sing·aha, ‘Anga iako dakna ama ine na·simang bebera·ama?’ aro uamang aganchakaha ‘Oe Gitel’, aro Jisu uamangko dangtape aganaha, “Na·simangni bebera·a gitan na·simangna ong·china” unon uamangni bebera·ani gitan uamangni mikronrang oaha (Mati 9:27 – 30). Minggipin golpooba an·ching nika, Jisu songtangona re·bae kamrangko kaengachim indiba songni manderang uo bebera·jaha, aro sastro agana, “Aro uamangni bebera·gijani giminan bang·e bilakani kamrangko ua uano ka·jaha” (Mati 13:58). Unigimin an·chingni bebera·anio pangchake an·chingna Isolni dakanirangba ong·a, aro uandakgipa bebera·aniko pengpangatanihi diabol an·chingni janggi tangani a·gilsako aro jringjrotna neng·nikataniko ra·bana man·a. An·ching kamao gita Aba.16-o mongsonggipa ming·4 an·chingni bebera·anio cha·grongani gimin niangna:

1. Isolni rasongna ong·jaode bebera·anian ong·ja.
2. Sengnapgijaniara bebera·gijani ong·a aro una neng·nikanio ga·akgen.
3. Bebera·ani Isolni kattao pangchaka
4. Chongmotgipa bebera·anio Isolni Gisik Rongtalgipao tomtomani aro katchaani ong·a.

1. Isolni rasongna ong·jaode bebera·anian ong·ja.

Abraham Hagar·ko jikgite ra·anio Isolni rasongna daka ong·ja indiba Sarani namnikaniko aro uni jikgipani miksonganiko chu·sokatnasa ong·aha, ua Isolni rasongna uko daka ong·ja aro Isolni uni kamo ong·aigen ine ra·chakajaha.

Abraham iarangko pilako cha·grongani jamanosa Isolni rasongna bebera·anio kimkim ong·e Isolko rasong chaataha.

“Aro bebera·ao nom·gija, ua an·tangni be·enko da·on sigimin gita uni bilsi ritchasamang ong·achim aro Sarani sa·tipni siako chanchiaha; aro Isolni ku·rachakanina ua bebera·gijao kenchakjaha indiba Isolni rasong on·e” (Rom.4:19 -20).

2. Sengnapgijaniara bebera·gijani ong·a aro una neng·nikanio ga·akgen.

“bebera·gipa skele dakjawa” (Isaia 28:16). Bebera·anio mamingsaloba Gitelna senggija dakjawa, aro sengnapgija dakaniara bebera·anian ong·ja ine sastro agana. Aba.16-o Abraham aro uni jikgipa Isolni ku·rachakanina sengnapgija uamang skele decisionko ra·aha aro uan daalona kingking neng·nikaniko ong·ataha. Sara Abrahamna Hagar·ko jikgite ong·na on·aha aro uan Isolni uamangna daksamsoanio sengnapgija dakani ong·aha una uamangni janggi

tanganio neng·nikaniko cha·grongaha. Sarani chanchianio Isolni plan (miksonganio)-ko chu·sokatna dakchakani gita ong·ahachim indiba Isolara mandeni support ka·aniko nangachima batesa Sara an·tangna saknaaniko ra·baaha.

⇒ “For nothing is impossible with God” (Luk 1:35).

⇒ “With the people this is impossible but with God all things are possible” (Mtt.19:26).

3. Bebera·ani Isolni kattao pangchaka

Bebera·ani pangchakani Isolni kattaon ong·a. “So faith comes from what is heard, and what is heard comes by the preaching of Christ” (Rom.10:17).

Abraham Aba.16-o Isolni ku·rachakanio ong·ja indiba ua Sarani kattako knatime dakaha “Unon Abram Saraini ku·sikko knachakaha” (Aba.16:2), aro uamangni nokdango neng·nikaniko cha·grongah aro uan salsa salgnina ong·ja chasongni chasongnan neng·nikaniko ong·ataha.

4. Chongmotgipa bebera·anio Isolni Gisik Rongtalgipao tom·tomani aro katchaani ong·a.

May the God of hope fill you with all **joy and peace in believing**, so that by the power of the Holy Spirit you may abound in hope (Rom.15:13). Ka·donge bebera·anio ong·jahaode uno tom·tomani aro katchaani Gisik Rongtalgipani dilanio ong·na man·ja. Abraham aro Sara uamang Isolni ku·rachakanio nokdango dakengon Isolo ka·donge bebera·anio tik ka·ani ong·jaha aro unon uamang uni biteo nokdango tom·tomani aro katchaani ong·na man·jaha batesa nokdango tom·tomgijani aro ingrik jegrikanisa ong·baskaiaha.

Bon·kame Aganani:

Isolo bebera·anio badita bilaka indaken Isolni aiao inmanpilgipa chu·sokataniba ong·na ama, maikai an·chingni bebera·ani uandaken Isolni miksonganio chu·sokani an·chingna ong·na man·na. Diabol pilak bebera·anio ja·gitotna ja·kuprakon bilaken kamko ka·a jedakode an·chingko pengpangatna man·gen. Indiba bebera·ani nokgipa Gitel Jisu Kristoo badita an·ching pangchakaniko don·a, *“bebera·ani nokgipa aro chu·sokatgipa Jisuko miksonge; uan ua don·sogimin katchaana kratcha·ako chonnike chisolko chakchikaha, aro Isolni singhasonni jakrao asongaha”* (Ibri.12:2). Jensomoio indake Kristo Jisuni chisolchiko niate janggi tanga inditan bilkoba “Maina gimaenggiparangna chisolni kata gokani ong·a; indiba an·ching joka man·enggiparangna ua Isolni bil ong·a” (1 Kor.1:18). Isol sakantina bebera·anio bilakataniko on·angkuchina. Amen.